

10 AUG 1999

AZHAR MUNGKIN TAK DAPAT PULANG IKUT JADUAL

LANGKAWI, 10 Ogos (Bernama) -- Datuk Azhar Mansor mungkin tidak dapat sampai ke tanah air seperti yang dijadualkan akibat tipuan angin lemah.

Pada 4.43 pagi tadi, pelayar kelahiran Kangar itu baru saja melepasi Sabang di Sumatera.

"Tidak tidur semalaman. Banyak kapal di perairan Sabang," katanya dalam e-mel dari kapal layarnya Jalur Gemilang ke pangkalan darat di sini hari ini.

Dia mempunyai 227 batu nautika lagi untuk tiba mengikut jadual iaitu antara 4 dan 5 petang esok.

Sejak 24 jam lepas, Azhar hanya dapat belayar sejauh 99 batu nautika dengan kelajuan tujuh knot.

Menurutnya, dia memerlukan kelajuan sekitar 30 knot untuk sampai mengikut jadual.

Acara besar-besaran telah diatur untuk menyambut kepulangannya. Perdana Menteri Datuk Seri Dr Mahathir Mohamad juga dijadual menyambut ketibaaan Azhar, yang memulakan pelayaran solonya mengelilingi dunia 189 hari yang lepas.

Adiknya, Azmi yang merupakan penyelaras pelayaran itu, berkata dia akan menghubungi Azhar malam ini untuk mendapatkan maklumat terkini mengenai kedudukannya.

-- BERNAMA

NH MAI